

玉梨魂

甲子春地五自題



中華民國三十年六月重版

玉梨魂

全一冊

實價國幣

● 1. 00

(外埠酌加郵費匯費)

著者

徐

清

枕

華

書

亞局

發行人

樊

劍

剛

印刷者

大

衆

書局

出版者

大

衆

書局

總發行所

上海四馬路

大衆書局

代售處

各省各大書局



藝苑

陳惜誓

秋風自雪長沙涕不爲尋春恨較遲聊借美人託芳潔哀吟愁絕楚湘纍
缺月昏燈夢似烟還珠曲裏恨綿綿啼殘多少哀鵲血幼婦新詞墨淚緣
居然錦瑟有知音驪舛無端百感侵我未成名卿已寡傷心更比古人深
擣麝拗蓮總可哀青陵幽怨付誰裁情天顛倒鴛鴦刳埋骨成灰恨未灰
勻碧輕衫檢睡痕十年抑塞付銷魂可憐莽莽黃塵裏只博蛾眉一笑恩
我亦幽情欲語難茶蘼開落幾春寒舫船一櫂樊川恨日袖君詩忍淚看

枕亞

翠幄紅悶夢迢迢扇掩桃枝淚不銷楚客歌成香草怨秦樓人望玉梅嬌
圖新峽蝶驚崔髻帶重蒲萄困沈腰撥盡蠻絃商恨絕那堪重問秦娘橋

身羅越網結千絲練線空挑連理枝血雨噴來紅艷慘香雲剪後綠參差
嬌雌影對春風冷花豸啼深曉月知手劈藍箋五十版怪他青鳥誤佳期

鴛鴦鳳格恨徒存靜理伽文晝閉門一點心燈灰有餘三生夢鏡石無言
黃花翠竹空中色幡影鐘聲警後魂不

玉梨魂 藝苑

是薰禪求解脫。斑斑暮雨奈黃昏。
空剩。辛夷媚小亭。隔花人。誦蕊珠經。溫郎玉鏡容。分照。羸女銀簫恨。獨聽。冤死雙魂。迷鳳子。長生一誓。威牛星。風輪轉劫。鶯花幻。豈獨馮家有小青。

題詞

張含蘭

筠青梨白盡凋傷。慘淡胸襟，激烈腸。敢冀雙飛同彩鳳，非關浩劫，歷紅羊。蓉湖風月淒聞怨，鄂渚煙雲弔國殤。生既無聊，甯惜死男兒。端合殞沙場。
情自纏綿意自癡。迢迢往事，繫人思。休嗟兒女鴻毛命，誰識英雄馬革屍。俠義兩全，甘虎口，死生一半係蛾眉。淒涼遺冊傳千古，端賴芳魂好護持。

唐左儂

不是巫山也斷腸。落花庭院夜淒涼。三生緣法憑心印，一縷情絲惹恨長。清夢單寒懷倩女，芳魂繚繞哭娘真。那堪回首梨花塚，滴滴猶餘血淚香。（夢霞）
淒風苦雨掩重門。病骨支離夢不溫。兩字情緣餘碧血，一燈慘淡冷黃昏。前生應欠相思債，此日來償未了冤。想得報君無別物，生時雙淚死時魂。（梨娘）
訴遍相思倚遍欄。強行作合太無端。由來好事摧殘易，到底歡場美滿難。千種淒涼絃外聽，一腔怨恨曲中彈。如花天女散花去，問郎心安不安。（筠倩）

玉梨魂題詞

相○思○底○事○太○情○真○未○許○文○君○誤○此○身○絕○好○良○緣○桃○代○李○難○忘○猶○是○意○中○人○
絕○命○書○來○不○忍○看○無○端○風○雨○泣○花○殘○春○蠶○到○死○絲○猶○縛○不○是○鴛○鴦○別○亦○難○
冤○得○兒○姑○不○自○由○空○餘○明○月○伴○妝○樓○早○知○未○有○雙○修○福○悔○煞○當○年○作○寒○修○
投○筆○從○戎○去○戰○爭○男○兒○難○獲○是○榮○名○拚○將○一○死○酬○知○己○莫○笑○書○生○竟○殉○情○

陶采疇

張荇青

罡○風○一○夜○太○猖○狂○零○落○梨○花○滿○地○霜○收○拾○塞○香○埋○淨○土○不○圖○同○調○有○瀟○湘○
一○縷○情○絲○逐○絮○飛○亭○亭○花○下○想○依○稀○春○蠶○作○繭○牢○相○縛○欲○綰○同○心○願○已○違○
青○衫○淪○落○無○知○己○紅○粉○憐○才○獨○讓○卿○霜○雪○不○渝○柏○松○操○許○從○芸○閣○結○詩○盟○
難○將○赤○手○挽○情○波○好○事○從○來○磨○竭○多○蜚○語○舍○沙○兼○吠○影○虛○名○誤○賺○奈○卿○何○
小○別○誰○知○成○永○別○癡○必○猶○冀○話○梨○花○再○來○人○已○仙○凡○隔○淒○絕○江○南○何○夢○霞○
書○生○投○筆○請○長○纓○情○障○消○除○事○遠○征○不○願○成○名○願○裹○革○良○緣○重○證○祝○來○生○
夢○款○銀○屏○到○若○耶○工○愁○平○子○尙○無○家○劇○憐○樺○燭○高○燒○夜○纔○照○紅○妝○淚○已○賒○

霍楚材

紅蕉剝盡心將碎。黃蘗茹殘苦尙含。吐到纏綿絲上。箔同功。無繭怨春蠶。
騷怨連番託楚詞。杜鵑春恨夕陽知。如何纔損香桃骨。又被并刀殺藕絲。
比目王餘未乞盟。武昌魚慘校人烹。徐陵別有傷心處。愁倚東風數落英。

何警秋

無端雙隕連城壁。誰道天公非虐。筠帶啼痕梨留夢影。一縷深情如昨。春魂依約且咽住。悲哀平情商榷。負笈東瀛。寸心肯被微名縛。早知百年一夢。願室家捐棄。形骸拋却。料得佳人並肩攜手。閒跨仙山鸞鶴。黃泉碧落。且兩處追尋仙蹤。何着敵愛浮生避沙場劍鏑。

(右調臺城路)

吳聽猿

弄珠璣。哀梨競爽。豔情眞怕回首。斷魂玉隕。香銷後。聽澈聲聲漏。難再覩。問那得英雄肝胆。仍如舊。似無還有。看殉國如生。殉情加矢。空剩灞橋柳。脂粉獄。憑仗白描聖手。盟徵莊誦良久。沉冤孽海。空明鏡。指雙熱先生孽冤鏡。不讓王前盧後。憐翠袖更秦柳蘇辛。題徧詞千首。幽魂安否。歎僕本恨人。相思入骨。無語數紅豆。

(右調陂塘柳)

李沅芷女士

底事文人苦費才。情苗愛葉筆輕栽。啼鵲血與哀猿淚。迸向毫端湧溢來。

玉梨魂題詞

埋香對泣太無端。天遣相逢欲絕難。郎縱多情儂薄命。茂陵舊曲不須彈。
不許癡情越禮防。相思味苦自甘嘗。梨花拚向東風隕。總爲憐才惹斷腸。
絕命詞成恨自絨。纏綿猶是舊嬌愁。生雖不作鴛鴦偶。結得知音死亦甘。
一縷魂先取次銷。英雄事業未能拋。名成身死酬知己。始信佳人慧眼高。
語到椎心忍淚看。哀詞一讀一辛酸。喚醒世上癡兒女。情網深羅解脫難。

序

(雙熱)

嗟。嗟。情。種。都。成。眷。屬。問。阿。誰。如。願。以。償。孽。冤。浪。說。風。流。知。幾。輩。同。聲。相。應。愧。我。攀。登。恨。海。愛。潮。隨。心。血。俱。平。憐。君。坐。困。愁。城。急。淚。與。情。灰。其。熱。怪。春。風。燕。鳥。閒。窺。失。意。之。人。看。明。月。梨。花。悄。作。可。憐。之。色。天。涯。淪。落。舉。目。無。親。客。况。蕭。條。隻。身。有。影。托。幽。蘭。以。寫。恨。可。泣。可。歌。挑。詠。絮。之。吟。才。且。驚。且。喜。從。此。春。光。漏。洩。贈。來。及。第。之。花。詩。思。蒙。茸。抽。盡。相。思。之。草。快。向。詞。場。樹。幟。戰。蛾。眉。不。惜。才。華。更。從。香。國。望。塵。印。鴻。爪。都。成。豔。蹟。忽。陷。愛。魔。之。窟。黯。黯。無。光。且。登。孽。債。之。臺。搖。搖。欲。墜。兩。地。多。愁。多。病。不。藥。春。心。大。家。宜。笑。宜。嗔。難。爲。人。面。嗟。嗟。撮。合。山。功。虧。一。簣。欲。罷。不。能。如。意。珠。價。值。千。金。何。修。而。得。畢。竟。羞。爲。薄。倖。敢。始。亂。之。終。棄。之。乎。居。然。強。作。莊。嚴。期。發。乎。情。止。乎。禮。耳。未。許。文。君。志。誓。調。紅。粉。而。重。整。恩。情。甯。教。司。馬。魂。銷。撫。青。衫。以。徒。捐。涕。淚。無。可。奈。何。報。知。已。除。非。一。死。必。不。得。已。續。良。緣。誓。以。來。生。好。事。銷。磨。美。人。憔悴。至。於。此。極。夫。復。何。言。何。幸。移。花。接。木。了。其。未。了。之。情。那。知。雲。散。風。流。空。作。太。空。之。夢。薄。命。花。雙。枝。遞。委。可。憐。蟲。百。足。皆。僵。爾。乃。馬。勒。懸。崖。不。墮。英。雄。之。氣。鵬。搏。大。野。忽。攀。定。遠。之。風。是。七。尺。奇。男。死。當。爲。國。作。千。秋。雄。鬼。生。不。還。家。豈。不。壯。哉。亦。可。哀。矣。從。此。玉。梨。成。卅。章。之。史。有。心。人。替。雪。不。平。火。事。灰。一。味。之。哀。普。天。下。同。聲。一。哭。

玉梨魂目次

第一章	葬花	一
第二章	夜哭	六
第三章	課兒	一一
第四章	詩媒	一七
第五章	芳訊	二二
第六章	別奏	二七
第七章	獨醉	三四
第八章	贈蘭	三九
第九章	題影	四七
第十章	情耗	五三
第十一章	心潮	五八
第十二章	情敵	六三
第十三章	心藥	六八
第十四章	孽媒	七五
第十五章	渴暑	七八
第十六章	燈市	八五

第十七章	魔劫	八九
第十八章	對泣	九五
第十九章	秋心	一〇一
第二十章	噩夢	一〇六
第二十一章	證婚	一二二
第二十二章	琴心	一三八
第二十三章	翦情	一二六
第二十四章	揮血	一三二
第二十五章	驚鴻	一三五
第二十六章	鵲化	一四〇
第二十七章	隱痛	一四六
第二十八章	斷腸	一五一
第二十九章	日記	一五六
第三十章	憑弔	一六四

玉梨魂

海虞徐枕亞著

第一章 葬花

曙煙如夢。朝旭騰輝。光線直射於玻璃窗上。作胭脂色。窗外梨花一株。傍牆玉立。豔籠殘月。香逐曉風。望之亭亭。若縞袂仙。春睡未醒。而十八姨之催命符至矣。香雪繽紛。淚痕狼藉。玉容無主。萬白狂飛。地上鋪成一片雪衣。此時情景。卽上羣玉山頭。遊廣寒宮裏。恐亦無以過之。而窗之左。假山石畔。則更有辛夷一株。輕苞初坼。紅豔欲燒。曉露未乾。壓枝無力。芳姿嫋娜。照耀於初日之下。如石家錦障。令人目眩神迷。寸剪神霞尺裁晴綺。尙未足喻其姿媚。至牆東之梨花。遙遙相對。彼則黯然而泣。此則嫣然而笑。兩處若各闢一天地。同在一境。而丰神態度。不一其情。榮悴開落。各殊其遇。此懽懽可憐之梨花。若爲普天下薄命人寫照者。相對夫弄姿鬪豔。工妍善媚之辛夷。實逼處此。其何以堪。梨花滿地。不開門花之魂死矣。喚之者誰耶。扶之者誰耶。憐惜之者。又誰耶。時則殘鶯三四。飛集枝頭。促啾啼聲。若爲花弔。此外則空庭寂寂。惟有微風動枝。碎片飛舞。空中作一場白戰而已。乃俄焉而窗闌矣。有人探首外望矣。其人丰致瀟灑。而神情慘淡。含愁思。露倦容。固知爲替花擔憂。而一夜未睡者。時彼倚窗能立。其目光直注射於半殘之梨花。訝曰。一夜東風已墮落如斯矣。吾可愛之梨花乎。胡薄命竟乃爾耶。語時微聞歎息。窗左之辛夷與窗內之人。固甚接近。曉日濃烘。迎面欲笑。霞光麗彩。掩映於衣袂間。而彼則視若無覩。

似不甚注意者。咄咄。彼何人斯。對於已殘之梨花。何君是之多情耶。對於方開之辛夷。又何若是之無情耶。人之所棄。彼獨愛之。人之所愛。彼獨棄之。彼非別有懷抱。而爲情場中之奇人耶。彼何人斯。則蘇臺夢露生是。

春眠不覺曉。處處聞啼鳥。此詩人欺人語也。惜花春起早。愛月夜眠遲。此詩人寫真語也。有人於此。春宵不再。竟教推月耳。閉窗長夜。未闌不解。照花而燒燭。此無情之俗物耳。世之多情人。無不鍾情於花月。旣鍾情矣。無不以愛惜示表情之作用。花好月圓。一年幾度。會謂自負多情者。而忍戀戀於黑甜鄉。撒月拋花。孤負此無價之韶光哉。夢露生棲身寓館。寄跡窮鄉。繚緒羈愁。無可告訴。所可借以爲寂寞中之良伴。淒涼中之膩友者。惟此庭前之二花耳。此二花也。夢露不啻視爲第二生命。愛惜之惟恐不至。保護惟恐之不力。日則見花於羹夜。則見花於夢。花之色。與香。花之魂。與影。時時氤氳繚繞於夢露之心。含縈迴往復於夢露之腦海。此時聞亂鳥之悲啼。便披衣而急起。試回思其未起之前。並遞想其未睡之前。蓋昨夜恰值月圓三五。花放萬株。大好良宵。正逢客裏。夢露不忍拋擲。此一刻千金之價值。蹀躞徘徊於花之下者。不知其若干次。時而就花談話。時者替花獻祝。或對影而長嗟。或攀枝而狂舞。獨立獨行。癡態可掬。泊乎銀壺漏盡。燈花案眠。夜深寒重。砭骨難支。始別花而就枕。鰥魚雙目徹夜常開。花魂隨之以俱來。睡魔驅之而徑去。直至東方旣白。固未嘗稍合其眼簾也。

雖然。夢露多情矣。夢露多情。而以花爲命矣。則當抱博愛主義。胡獨注情於梨花。而忘情於辛夷耶。夢露非有所偏愛也。情有所獨鍾也。夢露寓居此館。僅閱二旬餘。其初來之時。已未及見梨花之盛開矣。枝枝帶雨。憔悴可憐。

片片隨風飄零。莫定花如有情。見夢霞來。忽欽泣。空開笑。靨以歡迎。此多情之主人。翁夢霞於舟車勞頓之餘。來此舉目無親之地。淒涼身世。暗淡生涯。偏與此薄命之梨花。無端會合。其相憐相惜之情。如磁引針。如湯融乳。此中感情的同化作用。有不知其所以然者。而彼辛夷一株。則正胭脂初染。蜂蝶未知。嫩畏人看。炙愁日損。桃羞杏讓。嫵媚動人。夢霞則殊淡漠。視之蓋相形之下。此雖可愛。彼更可憐。夢霞意興蕭條。性情悽惻。常處身於憔悴寂寞中。與繁華熱鬧。殊不相宜。其惜花之心。事具有別。情故護花之精神。不無偏屬也。當時夢霞推窗而望。慘見夫枝頭褪雪。地上眠痕。一片白茫茫。觸眼劇生悲痛。夢霞惜花而早起。花已棄夢霞而長逝耶。癡望良久。逡巡退入室中。徐從左室門出。繞迴廊下。庭堦一路瓊瑤。踏碎步步生香。逡巡樹旁。以臂抱樹而泣。曰。吾可愛之梨花乎。花魂安在。夢霞來矣。薄命哉。花乎。託根於寥寂無人之境。重門靜掩。深鎖東風。不求人知。不邀人賞。而偏與我窮愁之客。結短促之緣。花開我不見。花落我纔來。尋芳有意。去已嫌遲。花之命薄矣。我之命不更薄耶。我若早來數日。則正值乍開時。節玉鱗點點。素艷亭亭。月夕風晨。吾猶得獨憑欄杆。飽接花之香色。我若遲來數日。則已被風欺雨濺。玉碎珠沈。倩影不留。殘香難覓。雖獨對空枝。亦增傷感。然已屬過後之思量。總不敵當前之惆悵。乃不自我。先不自我。後邂逅之時。便是別離之候。冥冥中若有爲之顛倒。作合。胡亂牽引者。一其月不爲迷眼伴。與春先作斷腸媒。一醉哉。專制之東皇。旣已風力逼花。殘生復借將死之花魂。淪我於悲境。我欲叫天。關叩碧翁。胡憤憤。若。是縱此香國魔王。施其摧殘手段。以流毒於鶯花世界耶。

嗚呼。夢霞殆其痴矣。花豈真能解語者。而與之刺刺不休耶。委地之花。永無上枝之望。而風姨肆虐。且乘夢霞神傷。魂斷之時。故使之增其悲痛。一陣狂吹。亂打樹上。落不盡之餘花。撲簌簌下。如急雨。亂片飛揚。襟袖幾爲之滿。夢霞上撫空枝。下臨殘雪。不覺腸迴九折。喉咽三聲。急淚連綿。與碎瓊而俱下。大聲呼曰。奈何。奈何。花真有知聞。夢霞哭聲。魂爲之醒矣。強起對夢霞作迴風之舞。若旣感其一片痴情。而尙欲乞憐於死後者。夢霞自念我旣爲花之主人。當盡其保護之責。今日觀其橫被摧殘之慘。已等於愛真能助。則此花死後之收場。舍我更又誰屬。忍再便之沾泥墮溷。飄蕩無依耶。於是徐撲去其衣上之花瓣。逕返室中。荷鋤。攜囊而出。一路殷勤收拾。盛之於囊。且行且掃。且掃且哭。破半日功夫。而砌下一堆雪。盡爲夢霞之囊中物矣。夢霞荷此飽盛花片之錦囊。欲供之於案上乎。或藏之於箱中乎。則此花遺蛻。尙在人間。此時雖暫免泥污。他日恐仍無結果。欲投之於池中乎。則地非園林。何處覓一泓清水。夢霞急欲妥籌一位置之法。而躊躇再四。不得一當。忽猛省曰。林壑卿葬花爲千秋佳話。埋香塚下畔一塊土。卽我今日之模型矣。前事不忘。後事之師。多情。人。用情固當如是。我何靳此一舉。手一投足之勞。不負完全責任。而爲壑卿所笑乎。語畢復自喜曰。我有以慰知己矣。遂欣然收淚。背挽花鋤。背負花囊。抖擻精神。移步近假山石畔。

嗟嗟。忽忽。短夢催醒。東風渺渺。相思恨生。南國地老。天荒可憐。人會當此日。蜂愁蝶怨。傷心者何。以爲情。夢霞旣至假山石畔。尋得淨土一方。鋤之成窖。旋以花囊納諸其中。後以鬆土掩其上。使之墳起。以爲後日之認識。料理

既畢。復入室。取案上常飲之玻璃杯。傾瓶出酒少許。再至塚前。向塚之四圍。遍灑之。此時夢霞之面上。突現出一種愁慘淒苦之色。蓋彼忽感及夫身世之萍飄絮蕩。其命之薄正復與此花如出一轍。薄命之花。猶得遇我癡人。痛憐深惜。爲之收豔骨。卜佳城。草草一坯。魂棲有所。不可謂非此花之幸也。而我則潦倒半生。淒涼孤館。依人生活。斷梗行蹤。子期不逢。流水長逝。那知今日。又是明朝。前途無路。後顧難堪。我生不辰。命窮若此。誰從死後。識方千耶。於是高吟顰卿（儂）今葬花人笑癡。他年葬儂知是誰。之句。不覺觸緒生悲。因時與感。鶯花易老。天地無情。歎韶光之不再。望知己之云遙。對此茫茫百端交集。蒼涼感喟。不知涕泗之何從。埋香塚前之顰卿。猶有一癡寶玉。引爲同調。今夢霞獨在此處。繼續顰卿之舉。顰卿固安在耶。笑夢霞之癡者何人。耶。能與夢霞表同情而賠淚者又何人。耶。夢霞之知己。則僅此塚中之花耳。夢霞乃含悲帶淚。招花魂而哭之曰。塚中之花乎。三生癡夢。醒乎。否乎。汝命何短。我恨方長。香泥一掬。以安汝骨。芳草一叢。以伴汝魂。慘酒一杯。以爲汝奠。淒禽一聲。以爲汝弔。汝其知也。耶。其不知也。耶。嗟嗟。舊日風情。今成泡影。却悲淨質。猶在塵寰。燕子樓不堪回首。空留盼盼之名。牡丹亭果否還魂。誰見亭亭之影。然而笳聲咽。月文君有歸漢之期。指印留環。玉簫踐再生之約。花如知感。則來歲春回。應先着東風。早胎異卉。以償余之深情。慰余之癡望耳。夢霞至此。已哭不成聲矣。歷碌半日。心碎神疲。加以昨夜未曾安枕。經此劇痛。體益不支。遂返身入室。庭前又寂無一人。惟有新墳一尺。四圍皆夢霞淚痕。點點滴滴。沁入泥中。黏成一片而已。

第二章 夜哭

小院春深亞枝日午炊煙縷縷搖曳空中正黃梁飯熟時矣夢霞自晨起後卽赴樹下拾花葬花哭花瘁心憊力半日於茲入室後體倦欲眠而館僮適取午膳至須臾飯畢飲清茗一杯以醒詩脾環行於室中者數周仍倚窗而立時辛夷方大開映日爭光流霞成彩突然觸其眼簾夢霞對之而歎曰彼何花乎若斯之豔也倚托東風之勢逞姿弄媚百六韶光幾爲渠占盡亦知名花易老好景不常後封姨之恩威並用其手段至辣其施放至此花旣受其吹噓必仍被其摧折後日亦終與塚中之花同歸於盡腥紅萬枝吾視之直點點血淚耳夢霞獨自沈思滿目閒愁苦難擺脫乃就案頭壁箋拈管賦詩二首曰

梨花

幽情一片墮荒村花落春深晝閉門知否有人同潸淚問渠無語最銷魂粉痕欲化香猶戀玉骨何依依夢未溫
王孫不歸青女去可憐孤負好黃昏

辛夷（卽木筆）

脫盡蘭胎豔太奢蕊珠公裏闢春華
浥枝曉露容方溼隔院東風信尙賒
錦字密書千點血霞紋深護一重紗
題紅愧乏江郎筆不稱今朝詠此花

書竟復朗誦一遍擱筆沉吟百無聊賴繼念香魂雖有依歸新塚尙無表識於心不能無歎夢霞固擅雕龍之技